

繼濰州耿公大師韻

馬風得遇活神仙洞裏修完自己天龍虎遶蟠觀性月馬猿澄
寂賞心蓮

昌樂道友送余登途至孤山下共看石上仙蹤余遂口占
小頌贈募殿試暨諸道友

人人爭競看仙蹤誰肯留心繼我蹤一志超然歸物外自然有
分步雲蹤

萊州節副內奉贈古詩徒單內奉昨日偶得一觀因繼元
韻幸賜采覽

鑪中鍊就丹無價香肉何曾藥換錢昨日客來青眼顧今朝我

道藏輯要

河玄金玉集

三

胃集六

伴白雲眠

和任公韻

通玄養就本來真德不孤身必有鄰意淨自知丹不漏心清誰
信性無塵

贈黃縣西高村回光菴主馬從任

捨財積福福如山難免輪回去復還唯有身心清表裏決無生
滅脫巡環

咒黃縣全真菴枯竹

道家門戶號長生意要枯乾改變形長使數竿常綠綠不教一
葉不青青